

摩訶般若波羅蜜經卷第九

薑九

後秦三歲沙門鳩摩羅什譯

發趣品第二十

佛告湏菩提汝問云何菩薩摩訶薩大乘發趣若菩薩摩訶薩行六波羅蜜時從一地至一地是名菩薩摩訶薩大乘發趣湏菩提白佛言世尊云何菩薩摩訶薩從一地至一地佛言菩薩摩訶薩知一切法無來去相亦無有法若來若去若至若不至諸法相不滅故菩薩摩訶薩於諸地不念不思惟而修治地業亦不見地何等菩薩摩訶薩治地業菩薩摩訶薩住初地時行十事一者深心堅固用無所得故二者於一切衆生中等心衆生以無所得故三者布施施者受者不可得故四者親近善知識亦不自高五者求法一切法不可得故六者常出家家不可得故七者愛樂佛身相好不可得故八者演出法教諸法分別不可得故九者破於憍慢法生慧不可

得故十者實語諸語不可得故菩薩摩訶薩如是初地中住修行十事治地業復次湏菩提菩薩摩訶薩住第一地中常念八法何等八一者戒清淨二者知恩報恩三者住忍辱力四者受歡喜五者不捨一切衆生六者入大悲心七者信師恭敬諸受八者勤求諸波羅蜜湏菩提是名菩薩摩訶薩住第二地中滿足八法復次湏菩提菩薩摩訶薩住三地中行五法何等五一者多學問無厭足二者淨法施亦不自高三者淨佛國土亦不自高四者受諸世間無量勤苦不以爲厭五者住慙愧處湏菩提是名菩薩摩訶薩住三地中應滿足五法復次湏菩提菩薩摩訶薩住四地中應受行不捨十法何等十一者不捨阿彌陀功德五者不捨戒六者懺惡諸欲七者歡喜世間心八者捨一切所有九者心不沒十者不惜一切物湏菩提是爲菩薩摩訶薩住第

四地中不捨十法復次湏菩提菩薩摩訶薩住五地中遠離十二法何等十二一者遠離親白衣二者遠離比丘尼三者遠離慳惜他家四者遠離無益談處五者遠離瞋恚六者遠離自大七者遠離蔑人八者遠離十不善道九者遠離大慢十者遠離自用十一者遠

摩訶九

二

離顛倒十二者遠離姪怒癡湏菩提是爲菩薩摩訶薩住五地中遠離十二事復次湏菩提菩薩摩訶薩住六地中當具足六法何等六所謂六波羅蜜復有六法所不應爲何等六一者不作聲聞辟支佛意二者布施不應生憂心三者見有所索心不沒四者所有物布施五者布施之後心不悔六者不疑深法湏菩提是名菩薩摩訶薩住六地中應滿具六法遠離六法復次湏菩提菩薩摩訶薩住七地中應遠離二十法所不應著何等二十一者不著我二者不著衆生三者不著壽命四者不著衆數乃至知者見者五者不著斷

見六者不著常見七者不應作相八者不應作因見九者不著名色十者不著五陰十一者不著十八界十二者不著十二入十三者不著三界十四者不作著處十五者不作所斯處十六者不作依處十七者不著依佛見十八者不著依法見十九者不著依僧見二十者不著依戒見是二十法所不應著復有二十法應具足滿何等二十一者具足空二者無相證三者知無作四者三分清淨五者一切衆生中慈悲智具足六者不念一切衆生七者一切法等觀是中亦不著八者知諸法實相是事亦不念九者無生忍法十者無

摩訶九

三

生智十一者說諸法一相十二者破分別相十三者轉憶想十四者轉見十五者轉煩惱十六者茅定慧地十七者慧地調意十八者心寂滅十九者無礙智二十者不染愛湏菩提是名菩薩摩訶薩住七地中應具足二十一法復次湏菩提菩薩摩訶薩住八地中應具

足五法何等五順入衆生心遊戲諸神通見
諸佛國如所見佛國自莊嚴其國如實觀佛
身自莊嚴佛身是名五法具足滿復次湏善
提菩薩摩訥薩住八地中復具足五法何等
五知上下諸根淨佛國土入如幻三昧常入
三昧隨衆生所應善根受身湏菩提是爲菩
薩摩訥薩住八地中具足五法復次湏菩提
菩薩摩訥薩住九地中應具足十二法何等
十二受無邊國土所度之分菩薩得如所願
知諸天龍夜叉捷闡婆語而爲說法處胎成
就家成就所生成就姓成就眷屬成就出生
成就出家成就莊嚴佛樹成就一切諸善功
德成滿具足湏菩提是名菩薩摩訥薩住九
地中應具足十二法湏菩提十地菩薩當知
如佛余時慧命湏菩提白佛言世尊云何菩
薩摩訥薩深心治地業佛言菩薩摩訥薩應
薩婆若心集一切善根是名菩薩摩訥薩深
心治地業云何菩薩於一切衆生中等心佛

言若菩薩摩訥薩應薩婆若心生四無量心
所謂慈悲喜捨是名於一切衆生中等心云
何菩薩修布施佛言菩薩施與一切衆生無
所分別是名修布施云何菩薩親近善知識
佛言能教人入薩婆若中住如是善知識親
近諮受恭敬供養是名親近善知識云何菩
薩求法佛言若菩薩應薩婆若心求法不墮
聲聞辟支佛地是名求法云何菩薩常出家
治地業佛言菩薩世世不離心佛法中出家
無能障礙者是名常出家治地業云何菩薩
愛樂佛身治地業佛言若菩薩見佛身相乃
至阿耨多羅三藐三菩提終不離念佛是名
美摩訥九

愛樂佛身治地業云何菩薩演出法教治地
業佛言菩薩若現在佛若佛滅度後爲衆生
說法初中後善妙義好語淨潔純具所謂修
妬路乃至優波提舍是名演出法教治地業
云何菩薩破於惱悞治地業佛言菩薩破是
惱悞故終不生下賤家是名菩薩破於惱悞

治地業云何菩薩實語治地業佛言菩薩如
所說如說行是名實語治地業是爲菩薩摩
訶薩初住地中應修行十事治地業云何菩
薩戒清淨若菩薩摩訶薩不念聲聞辟支佛
心及諸破戒障佛道法是名戒清淨云何菩
薩知恩報恩若菩薩摩訶薩行菩薩道乃至

小恩尚不忘何况多是名知恩報恩云何菩
薩住忍辱力若菩薩於一切衆生無瞋無惱
是名住忍辱力云何菩薩受歡喜所謂成就
衆生以此爲喜是名受歡喜云何菩薩不捨
一切衆生若菩薩念欲救一切衆生故是名
不捨一切衆生云何菩薩入大悲心若菩薩
如是念我爲一一衆生故如恒河沙等劫地
獄中受勤苦乃至是人得佛道入涅槃如是
名爲爲一切十方衆生忍苦是名入大悲心
云何菩薩信師恭敬諮詢受若菩薩於諸師如
世尊想是名信師恭敬諮詢受云何菩薩勤求
諸波羅蜜若菩薩一心求諸波羅蜜無異事

美摩河九

五

是名勤求諸波羅蜜是爲菩薩摩訶薩住二
地中滿足八法云何菩薩摩訶薩多學問無
厭足諸佛所說法盡欲聞持是間國土若十方國土
諸佛所說法盡欲聞持是名多學問無厭足
云何菩薩淨法施有所法施乃至不求阿耨
多羅三藐三菩提何况餘事是名不求名利
法施云何菩薩淨佛國土以諸善根迴向淨
佛國土是名淨佛國土云何菩薩受世間無
量勤苦不以爲厭諸善根備具故能成就衆
生亦莊嚴佛土乃至具足薩婆若終不疲厭
是名受無量勤苦不以爲厭云何菩薩住慚
愧處耻諸聲聞辟支佛意是名住慚愧處是
爲菩薩摩訶薩住三地中滿足五法云何菩
薩不捨阿練若住處能過聲聞辟支佛地是
名不捨阿練若住處云何菩薩少欲乃至阿
彌多羅三藐三菩提尚不欲何況餘欲是名
少欲云何菩薩知足所謂得一切種智故是
名知足云何菩薩不捨頭陀功德觀諸深法

忍是名不捨頭陀功德云何菩薩不捨戒不取戒相是名不捨戒云何菩薩穢惡諸欲欲心不生故是名穢惡諸欲云何菩薩厭世間心知一切法不作故是名厭世間心云何菩薩捨一切所有不惜內外諸法故是名捨一切所有云何菩薩心不沒二種識處心不生故是名心不沒云何菩薩不惜一切物於一切物不著不念是名不惜一切物是爲菩薩於四地中不捨十法云何菩薩遠離親白衣菩薩出家所生從一佛國至一佛國常出家剃頭著染衣是名遠離親白衣云何菩薩遠離比丘尼不共比丘尼住乃至彈指頃亦不生念是名遠離比丘尼云何菩薩遠離慳惜他家菩薩如是思惟我應安樂衆生他今助我安樂云何生慳是名遠離慳惜他家云何菩薩遠離無益談處若有談處或生聲聞辟支佛心我當遠離是名遠離無益談處云何菩薩遠離瞋恚不令瞋心惱心鬪心得入是

六法所謂六波羅蜜諸佛及聲聞辟支佛住六波羅蜜中能度彼岸是名具足六法云何菩薩不作聲聞辟支佛意作是念聲聞辟支佛意非阿耨多羅三藐三菩提道云何菩薩布施不生憂心作是念此非阿耨多羅三藐三菩提道云何菩薩見有所索心不沒作是

念此非阿耨多羅三藐三菩提道云何菩薩所有物布施菩薩初發心時布施不言是可與是不可與云何菩薩布施之後心不悔慤悲力故云何菩薩不疑深法信功德力故是為菩薩住六地中遠離六法云何菩薩不著我畢竟無我故云何菩薩不著衆生不著壽

美摩阿九

七

命不著衆數乃至知者見者是諸法畢竟不可得故云何菩薩不著斷見無有法斷諸法畢竟不生故云何菩薩不著常見若法不生是不作常云何菩薩不應取相無諸煩惱故云何菩薩不應作因見諸見不可見故云何菩薩不著名色名色處相無故云何菩薩不著五陰不著十八界不著十二入是諸法性無故云何菩薩不著三界三界性無故云何菩薩不應作著心云何菩薩不應作願云何菩薩不應作依止是諸法性無故云何菩薩不著依佛見作依見不見佛故云何菩薩不著依法見法不可見故云何菩薩不著依僧

見僧相無為不可依故云何菩薩不著依戒見罪無罪不著故是為菩薩住七地中二十九法所不應著云何菩薩應具足空具足諸法自相空故云何菩薩無相證不念諸相故云何菩薩知無作於三界中不作故云何菩薩三分清淨十善道具足故云何菩薩一切衆生中慈悲智具足得大悲故云何菩薩不念一切衆生淨國土具足故云何菩薩一切法等觀於諸法不損益故云何菩薩知諸法實相諸法實相無知故云何菩薩無生忍為諸法不生不滅不作忍故云何菩薩無生智知名色不生故云何菩薩說諸法一相心不行二相故云何菩薩破分別相一切法不分故云何菩薩轉憶想小大無量想轉故云何菩薩轉見於聲聞辟支佛地見轉故云何菩薩轉煩惱斷諸煩惱故云何菩薩等定慧地所謂得一切種智故云何菩薩調意於三界不動故云何菩薩心寂滅制六根故云何菩

薩無礙智得佛眼故云何菩薩不染愛捨六塵故是爲菩薩住七地中具足二十法云何菩薩順入衆生心菩薩以一心知一切衆生心及心數法云何菩薩遊戲諸神通以是神通從一佛國至一佛國亦不作佛國想云何菩薩觀諸佛國自住其國見無量諸佛國亦

姜摩訶九八

無佛國想云何菩薩如所見佛國自莊嚴其國住轉輪王地遍至三千大千國土以自莊嚴云何菩薩如實觀佛身如實觀法身故是爲菩薩住八地中具足五法云何菩薩知上下諸根菩薩住佛十力知一切衆生上下諸根云何菩薩淨佛國土淨衆生故云何菩薩如幻三昧住是三昧能成辦一切事亦不生心相云何菩薩常入三昧菩薩得報生三昧故云何菩薩隨衆生所應善根受身菩薩知衆生所應生善根所為受身成就衆生故是爲菩薩住八地中具足五法云何菩薩受無邊國土所度之分十方無量國土中衆生如

諸佛法所應度者而度脫之云何菩薩得如所願六波羅蜜具足故云何菩薩知諸天龍夜叉乾闥婆語辯辯力故云何菩薩胎生成就菩薩出世常化生故云何菩薩家成就常在大家生故云何菩薩所生成就若刹利家生若婆羅門家生故云何菩薩姓成就如過去菩薩所生姓從此中生故云何菩薩眷屬成就純諸菩薩摩訶薩為眷屬故云何菩薩出生成就生時光明遍照無量無邊國土亦不取相故云何菩薩出家成就出家時無量百千億諸天侍從出家是一切衆生必至三乘故云何菩薩莊嚴佛樹成就是菩提樹以黃金為根七寶為莖節枝葉莖節枝葉光明遍照十方阿僧祇三千大千國土云何菩薩一切諸善功德成滿具足菩薩得衆生清淨佛國亦淨是爲菩薩住九地中具足十二法云何菩薩住十地中當知如佛若菩薩摩訶薩具足六波羅蜜四念處乃至十八不共法

姜摩訶九九

一切種智具足滿斷一切煩惱及習是為菩薩摩訶薩住十地中當知如佛湏菩提菩薩摩訶薩住是十地中以方便力故行六波羅蜜行四念處乃至十八不共法過乾慧地性地八人地見地薄地離欲地已作地辟支佛地菩薩地過是九地住於佛地是為菩薩十地如是湏菩提是名菩薩摩訶薩大乘發趣摩訶般若波羅蜜經出到品第二十一

佛告湏菩提汝所問是乘何處出至何處住者佛言是乘從三界中出至薩婆若中住以不二法故何以故摩訶衍薩婆若是二法俱不合不散無色無形無對一相所謂無相若人欲使實際出是人為欲使無相法出若人欲使如法性不可思議性出是人為欲使無相法出若人欲使色空出是人為欲使無相法出若人欲使受想行識空出是人為欲使無相法出何以故湏菩提色空相不出三界亦不往薩婆若受想行識空相不出三界亦

不住薩婆若所以者何色色相空受想行識相空故若人欲使眼空出是人為欲使無相法出若人欲使耳鼻舌身意空出是人為欲使無相法出若人欲使乃至意觸因緣生受空出是人為欲使無相法出何以故湏菩提眼空不出三界亦不住薩婆若乃至意觸因緣生受空不出三界亦不住薩婆若所以者何眼眼相空乃至意觸因緣生受意觸因緣生受相空故若人欲使夢出是人為欲使無相法出若人欲使幻焰響影化出是人為欲使無相法出何以故湏菩提夢相不出三界亦不住薩婆若幻焰響影化相亦不出三界亦不住薩婆若湏菩提若人欲使檀波羅蜜出是人為欲使無相法出若人欲使尸羅波羅蜜釋提波羅蜜毗梨耶波羅蜜禪波羅蜜般若波羅蜜出是人為欲使無相法出何以故檀波羅蜜相不出三界亦不住薩婆若尸羅波羅蜜乃至般若波羅蜜不出三界亦

不住薩婆若所以者何檀波羅蜜檀波羅蜜相空尸羅波羅蜜毘提波羅蜜毗梨耶波羅蜜禪波羅蜜般若波羅蜜般若波羅蜜相空故若人欲使內空出乃至無法有法空出是人為欲使無相法出何以故湏菩提內空相乃至無法有法空相不出三界亦不住薩婆若所以者何內空內空性空乃至無法有法空無法有法空性空故若人欲使四念處出是人為欲使無相法出何以故四念處性不出三界亦不住薩婆若所以者何四念處性四念處性空故若人欲使四正勤四如意足五根五力七覺分八聖道分出是人為欲使無相法出何以故八聖道分性不出三界亦不住薩婆若所以者何八聖道分性八聖道分性空故乃至十八不共法亦如是湏菩提若人欲使阿羅漢出生處是人為欲使無相法出若人欲使辟支佛出生處是人為欲使無相法出若人欲使多陀阿伽度阿羅訶三

蘓三佛陀出生處是人為欲使無相法出何以故阿羅漢性辟支佛性佛性不出三界亦不住薩婆若所以者何阿羅漢性阿羅漢性空辟支佛性辟支佛性空佛性佛性空故若人欲使湏陀洹果斯陀含果阿那含果阿羅漢果辟支佛道佛道一切種智出是人為欲使無相法出如上說若人欲使名字假名施設相但有語言出是人為欲使無相法出何以故名字空不出三界亦不住薩婆若所以者何名字相名字相空故乃至施設亦如是若人欲使不生不滅法不垢不淨無作法出是人為欲使無相法出何以故不生乃至無作法性不出三界亦不住薩婆若所以者何不生性乃至無作性性空故湏菩提以是因緣故摩訶衍從三界中出薩婆若中住不動故湏菩提汝所問是乘何處住者湏菩提是大乘無住處何以故一切法無住相故是乘若住不住法住湏菩提譬如法性不生不滅

不垢不淨無相無作非住非不住湏菩提是乘亦如是非住非不任何以故法性相非住非不住所以者何法性相空故乃至無作性無作性空故諸餘法亦如是湏菩提以是因緣故是乘無所住以不住法不動法故湏菩提汝所問誰當乘是乘出者無有人乘

是乘出者何以故是乘出者所用法及出時是一切法皆無所有若一切法無所有用何等法當出何以故我不可得乃至知者見者不可得畢竟淨故不可思議性不可得畢竟淨故陰入界不可得畢竟淨故檀波羅蜜不可得畢竟淨故乃至般若波羅蜜不可得畢竟淨故內空不可得畢竟淨故乃至無法有法空不可得故不可得乃至無法有法空不可得故不可得四念處不可得故不可得乃至十八不可得共法不可得故不可得湏胞洹不可得故不可得乃至佛不可得故不可得湏胞洹果不可得乃至佛不可得故不可得乃至佛道不可得故不可得不生不滅乃至不起不作不可得故不可得

復次湏菩提初地不可得故不可得乃至第十地不可得故不可得畢竟淨故云何為初地乃至十地所謂乾慧地性地八人地見地薄地離欲地已作地辟支佛地菩薩地佛地內空中初地不可得乃至無法有法空中初地不可得內空乃至無法有法空中第二第

三第四第五第六第七第八第九第十地不可得何以故湏菩提初地非得非不得乃至十地非得非不得畢竟淨故內空乃至無法有法空中成就衆生不可得畢竟淨故內空乃至無法有法空中淨佛國土不可得畢竟乃至無法有法空中五眼不可得

十三末

畢竟淨故如是湏菩提菩薩摩訶薩以一切諸法不可得故乘是摩訶衍出三界住薩婆若

摩訶般若波羅蜜經卷第九

薑九

衆生摩訶衍亦如是受無量無邊阿僧祇衆生世尊是摩訶衍不見來處不見去處不見住處是摩訶衍前際不可得後際不可得中際不可得三世等是摩訶衍世尊以是故是乘名摩訶衍佛告湏菩提如是如是菩薩摩訶薩摩訶衍所謂六波羅蜜檀波羅蜜尸羅波羅蜜毘波羅蜜毗梨耶波羅蜜禪波羅蜜般若波羅蜜是名菩薩摩訶薩摩訶衍復次湏菩提菩薩摩訶薩摩訶衍一切阨隣尼門一切三昧門所謂首楞嚴三昧乃至離著虛空不染三昧是名菩薩摩訶薩摩訶衍復次湏菩提菩薩摩訶薩摩訶衍所謂內空乃至無法有法空是名菩薩摩訶薩摩訶衍復次湏菩提菩薩摩訶薩摩訶衍所謂四念處乃至十八不共法是名菩薩摩訶薩摩訶衍如湏菩提所言是摩訶衍勝出一切世間及諸天人阿脩羅湏菩提若欲界當有實不虛妄不異諦不顛倒有常不壞相非無法者是

摩訶般若波羅蜜經卷第十

薑十

後秦三藏沙門鳩摩羅什譯

勝出品第二十二

慧命湏菩提白佛言此尊摩訶衍摩訶衍者勝出一切世間及諸天人阿脩羅此尊是摩訶衍與虛空等如虛空受無量無邊阿僧祇